

Кылынан-сиэлинэн оноһук онгорорго уһуйуу

Сыала: Төрүт удьуорбут сатабылын оҕоҕо оскуолаҕа киириэн инниттэн инэри.

Соруктар: Судургу ньыманан кылы таҕастааһын, үс утумунан өрүүгэ үөрэтии. Айар-тутар дьобуру сайыннарыы. Оҕо иллэн кэмин туһалаахтык аттарарга иитии.

Кылынан-сиэлинэн оноһуктар олоххо эмп-томп, кизгэл быһыытынан киирдилэр. Ол курдук оскуолаҕа киириэн иннинээҕи саастарыттан оҕону төрүт үгэспитигэр уһуйбут киһи диэн баҕа санаалаахпын. Норуот маастардарын үлэлэрин оҕоҕо кыратыттан инэрдэхпитинэ баҕар биир эмит туйах хатарааччы тахсаарай.

Итиллээччибит Алина Корякина алта саастаах. Кини эбээтэ Варвара Дмитриевна Николаева Чурапчы Мындаҕаайытыгар олорор. Кылынан-сиэлинэн өрүүгэ биллэр норуот маастара. Кыра суумкалартан саҕалаан сэлээпэ арааһын, улахан көбүөргэ тийэ өрөр. Элбэх оноһуктарынан араас таһымнаах быыстапкаларга кыттар. Кини өрбүт кыл кепкатын Иосиф Кобзонна, Юрий Лужковка Саха сирин делегациялара бэлэх ууммуттара. Бэйэбит биллэр көстөр дьоммут Клавдия, Герман Хатылаевтар, Павел Пинигин онтон да атыттар кэтэллэр.

Алинабыт кэпсээниттэн, эбээтиттэн тугу өйдөөн көрбүтүн кылы таҕастааһын технологиятын түһүмэхтэргэ араардыбыт.

Бастакы түһүмэх – мыылалаах уунан хос-хос элбэхтик сууяаһын.

Иккис түһүмэх – куурдуу.

Үһүс түһүмэх – дьүһүннэринэн, уһуннарынан талан наардааһын.

Төрдүс түһүмэх – үс утахтан суһуохтуу өрүү.

Бэһис түһүмэх – түөскэ кэтиллэр харысхал шаблонун төгүрүк быһыылаан кырыйыы, сукуна материалга икки тэҥи түһэрэн кырыйыы (күн).

Алтыс түһүмэх – өрүллүбүт ситиини күннэ чаһы хаамыытынан, эбэтэр күн эргииринэн хам тигии.

Сэттис түһүмэх – харысхалы оҕуруонан, стразынан кизгэтии.

Ахсыс түһүмэх – моойго кэтиллэр быаны тигии.

Тохсус түһүмэх – харысхалы иккис төгүрүгүнэн нөҥүө өттүттэн тигии.

Кылтан харысхал бэлэм.

Дьарыкпыт саҕаланна да Алина аан бастаан бөлүүһэҕэ сөрүүн уу ылар. Эбээ куруук манньк ылар. Арааһа арбайбадын диэн илитэрэ буолуо диэн сабаҕалыыбыт. Өрөн саҕалаатахха сиэл сиигирэн хомуллар эбит.

Муус устар ыйга норуот маастардарын күнүн көрсө эбээбит Варвара Дмитриевна уһуйааммытыгар кэлэн күндү ыалдыт буолла. Алина кэпсээниттэн кыл өрүүтүн түөрт түһүмэххэ араардыбыт диэн кэпсээбиппитигэр, соһуйда даҕаны, долгуйда даҕаны. “Мин Алинаны мэхэйдэһиэ диэммин чугаһаппапын. Оҕом барытын көрө сылдьан төбөтүгэр

хатыы сылдьар эбит,” – диэн долгуйан, уйадыйан ылла. “Эйиэхэ ким көмөлөһөрүн кытта билэбит, эбээ Таанһа”, - диибит. “Ээ, ол ыалым Татыаас киирдэбинэ көмөлөһүннэрэбин. Сатана кыһа дьолоһойугар барытын хатаан сөпкө онорбуккут,” – диэн хайһанһыбыт.

Билигин Алинабыт музыка үрдүкү оскуолатыгар фортепиано кылааһыгар бастакы кылааска ситиһиилээхтик үөрэнэр.

Түмүк оннугар. Уһуяан оһолорун кырлар диэн чугас дьонноро, төрөппүттэрэ аанһа ахтыбат түгэннэрэ син баар суол. Оһону, төрөппүттэри кытта ыкса үлэлэһэнчоппуускаттан кыл-сиэл танастыырга үөрэннэхпит. Сааскы киэһэлэргэ дьарык онгостон кыра да буоллар инникилээһи ситистэхпит.

Семенова Марианна Александровна,
Дьокуускай куорат 91 №дээх уһуяан иитээччитэ.